

99410  
=2



中国国家图书馆  
NATIONAL LIBRARY OF CHINA

懷舊襍記卷三

南滙張文虎孟彪

松郡披雲門外百餘步青浦陸氏別業頗有池亭樹石其旁東出馬街攷之舊志元時有陳家園疑此其舊址也錢雪枝嗣子子馨培蓀鼎卿幼子也粵寇之難遷滬上數年後回郡城得此地予自金陵歸於同治甲戌春訪之值梅花盛開愛其幽雋子馨請畱并名其諸處予爲名其園曰復園其堂曰謝華啟秀之堂又爲之作記訂以消夏來是夏以張燮庵招住鐵花仙館不果明年夏始踐約而至秋病溼兩月子馨侍奉醫藥如親子弟冬初平復又堅訂明年早至及丙子再來而子馨於季



中国国家图书馆  
NATIONAL LIBRARY OF CHINA

秋病遽歿悲哉初予覘屋郡城子馨嘗偕予相宅皆不合子馨歿眷屬俱以喪回錢圩眾議勸予且住此宅免閉置明年乃遷來桂萼五載而枝栖未定思之惘然

記見  
襍著

子馨少跳蕩鼎卿命之問詩於予不果學捐職府同知聽鼓浙省既而翻然告歸不復作出山計治家接物一軌於正人皆傅之常以先世所刊書板盡燬於寇亂後中落力不能重刊為戚予勸以搜求舊刻彙刊書目以待他年乃欣然曰請并刊序跋及校勘記可乎予曰甚善於是悉心編輯越三年乍成而身歿其從子仲穀璧請序而刊之今行於世

姚衡堂太史

光發

其先亦自平湖遷松城

初居南門大街後遷崇厚

里堅香先生族祖父也道光乙酉拔貢辛丑進士以翰

林散館為戶部主事丁艱回籍用團練保衛功

欽加

四品花翎為人謙和慈諒好讀乙部書尤熟班史制統

古學皆具先正典型晚年常有江湖日下之感年踰八

十談笑舉動猶似五六十許人孫松泉

肇瀛

同治癸酉

舉人太史弟致堂

光緒

候選訓導五品銜藍翎鑑別詩

文不輕許可能繪事尤自矜重

姚鐵梅明經

大本後改名濟

太史族子也

祖勉樓先生培詠

工六法能琴

歲貢生居東馬橋詩文敏捷談笑生風有小滄

桑記一樹梅花老屋詩其從子松仙

前琪

浙江按察司照磨

將校刊之屬予爲序

名醫祝雲樓先生

景福

衡堂太史外舅也居悅安橋恂

恂儒雅無疾言遽色三子瑤圃

康治

諸生蓮塘

康達

監

生皆傳其術其季省堂

康成

諸生尤與予善以困於場

屋恆鬱鬱不可一世入學後亦習醫

董雨亭

致文

文敏裔孫通敏善談論困於小試以奉祠

生終予表戚也

祁芝香

逢甲

諸生居金沙灘叵兒錫貞婦翁也課徒自

給安於淡泊庚申避寇轉徙各鄉佗僚無聊錫貞之歿

君復愴然未幾卒子量玉

自衡

亦諸生

盛問沂先生

麟

居芟荷潭乾隆甲午舉人官四川南川

知縣值教匪犯境先生城守獨全丁外艱歸途遇盜曰

清官也相率引去箸有性理名言明心寶鏡說弟文周

蓮 戊申舉人甘肅大通知縣

張柳泉先生

允垂

居南埭嘉慶辛酉拔貢官杭州府知

府護理鹽運使置田贍族藏書甚富子伊卿

爾者

附貢

生姚春木先生弟子閉戶讀書至老不倦孫聞遠

錫恭

諸生少年嗜學後來之俊

黃研北先生

仁

居包家橋乾隆壬子舉人官山西稷山

知縣辭疾歸主講柘湖大觀兩書院咸豐辛亥重宴鹿

鳴嘗集里中諸老爲九老會以詩相倡和卒年八十有

六

姚春木先生 椿 心嘉方伯 令儀 乾隆丁酉子也監生

居南埭嘗從姚姬傳先生游詩古文辭為海內推重歷

主彝山荆南講席歸又主景賢書院選 國朝文錄八

十三卷張溫和公為之刊行卒年七十七同治庚午入

祀鄉賢祠有通菴閣晚學齋集行世弟建木先生 懋 廩

生有志經世之學官河南盧氏知縣歸里後惟以詩酒

自樂兄弟怡然著有歸雲堂詩艸遭兵燹散佚哲嗣壯

之 之烜 按求殘贖編為白石鈍樵遺稿并掇拾春木先

生遺詩以聚珍版印行屬予弁言展卷卒讀如聞昔日

之聲欬也壯之以歲貢生為荆谿訓導能世其學

朱悅田先生 光珽 居外館驛廩生官江甯府教授善寫

梅風骨俊健如其人卒年八十餘

范芸卿先生 棠 芄野給事 械士 孫也居小塔前以能文

名與修郡志為人謙和敦厚喜表章潛德以歲貢選旌

德訓導道光甲辰重游泮水卒年八十

湯繹山先生 輅 居南門大街閉門課徒為郡城宿望造

就甚多又精於迷虎有刊本以歲貢選旌德訓導子春

筠 衡 廩生為人伉爽雄於制義春韶 翼 工書法筆力健

舉得顏柳之奧以優貢選碭山訓導不赴光緒乙亥重

游泮水卒年七十九

顧卿裳先生 夔 居菜花涇道光丙戌進士以翰林散館

授山西靈石知縣哲嗣香遠太史 蓮 嘗屬予表其墓先

生品學爲眾望所歸獎誘後生慇懃甚至歸田後方將  
優游自憩而卒不免於世累詩文皆有根柢尤擅倚聲  
香遠好學深思有名父風分纂華亭縣志詳慎不苟光  
緒庚辰進士改庶吉士今爲四川梁山知縣

宋紀堂

允奎

居佛字橋與予同入學敦義好友予與嘯

峰每至郡必主君家君翁平山

泰

仁善簡靜弟西籜

爲人亦如之紀堂雖早世而其孫茁生

樹滋

已領鄉薦

西籜三子長葆初

承濂

嘯峰壻也諸生有祖父風次養

初

承庠

以拔萃科授七品小京官次守初

承昭

亦領鄉

薦善人有後豈不然乎

葉桐君

珪

居秀野橋有別墅曰自怡園蒔花草極精又

精於鑒賞碑版鼎彝羅列几案時集名流作詩酒之會  
更唱迭和有錦屏集行世其好尙風雅如此以廩貢生  
署吳江教諭

雷研農

良樹

諸生居北門外工詩善書書法米襄陽求

者踵接朝夕揮灑不爲厭苦尤豪於酒嘗賀歲詣友人

飲夜歸失足行河中隨流及水關守門卒駭而掖之出

冰琅琅凝衣袖而君自若也從弟秋園

慶昇

秋園子葆

純皆諸生葆純爲粵匪所擄秋園用是鬱鬱以貧困卒

席晦甫

元章

青浦籍廩貢生居西塔街先世富藏書君

資以涉獵有志徵實之學治尙書力辟梅賾之僞笏及

天文算術皆有心得中年困於病忽耽禪悅執守甚堅



庚申寇至誦經不輟賊揮以刃創甚踣地乃棄去未幾郡城復曾一晤君詢被斫情狀君謂無甚痛楚踰年賊再至遂不知所終然以君爲人宜無不殉者子儀庭威諸生能讀父書

蔡梅茵

鵬飛

諸生居錢涇橋酷嗜吟咏直寫性靈或寓

以談嘲讀者頤爲之解有六半樓詩詞稿予嘗爲之序

赭寇後版燬其子

堃

爲之重刊

倪松甫

士恩

畚香先生元坦之孫道光癸卯舉人居湖

橋角工制舉文能詩習篆隸隸書摹漢唐諸碑入古處

如金石刻畫

韓綠卿

應陞

道光甲辰舉人內閣中書居南埭春木先

生弟子也劬於學手一編不輒喜周秦諸子及泰西歷  
示之書李壬叔續譯幾何原本後九卷君爲覆校而授  
之梓生平收藏圖籍古器甚富庚申寇擾與所居俱燬  
鬱鬱不樂卒箸有讀有用書齋襍箸其子陽生載陽屬  
予序而刊之陽生端謹有父風捐職主事

顧韋人

作韋

諸生居亭林常來郡城善談論喜交游遇

酒輒飲興酣賦詩宛若無人寇亂後困頓無家自號無

住老人寄寓節孝祠卒

何穆山

章

本姓夏青浦人布衣寓居火神廟精繪事山

水人物花鳥各擅勝場秀逸之氣充溢筆端自改玉壺

後一人而已



楊肖英燈諸生居谷陽橋家屢空有祖母年九十餘力謀菽水客游浙江與王叔彝觀察交最厚唱和無閒觀察采其詩於同人詩錄君困於一矜託詩酒自遣既醉而歌激昂慷慨多淒涼之音卒以是損其年悲夫

胡公壽遠以字行又號橫雲山民居景家堰殫精繪事山水入大癡堂奧閒寫花艸亦涉筆成趣書法溫潤詩亦娟秀顧皆爲畫所掩挾其菟游上海海東諸國慕其名有執贄請業者

夏貫甫今秋園先生瑤生歲子監生居景家堰善畫山水得北苑遺意邱壑深邃秀韻饒溢蓋得之天資者多家貧藉賣畫養親以勤咯血卒年二十餘儕輩皆爲痛

惜

郭友松

福英

柳村先生

權

諸

子也居明星橋

後遷南門大街

未冠游庠有神童之目性踴弛好奇爲文亦如之李嘯湖學使特賞異延入幕未幾辭歸以賣畫自給不問世事歲科試率首列而秋闈屢薦屢躋同治癸酉始登賢書憶予與熊露翁訪柳村先生時君侍側一少年耳比予寓居復園君以不良於行過從甚稀蓋亦頽然作老翁狀矣

沈菊泉大令

霖溥

居東馬橋以制菟名於時衡堂太史

高弟也君家嘯園爲昔時勝游地亂後蕪莫能治課徒自給門下士多知名光緒乙亥領鄉薦連捷進士授知





縣需次浙江年五十餘矣君於吏治非所長顧以境迫  
之行未幾卒

耿思泉太守

蒼齡

居北倉橋張溫和公壻也監生援例

爲德安知府告歸後以詩酒自娛爲人質直無城府樂

於爲善手書日記以自省察皆端楷無一筆苟厯數十

年如一日子伯齊

葆清

仲宣

葆齋

皆諸生篤志風雅

仇祝平太史

炳台

居笏谿衡堂太史入室弟子同治壬

戌進士改庶吉士奉諱家居遂不復出主講大觀書院

所居笏東艸堂襍蒔花竹時邀朋輩吟賞其閒光緒丁

丑晉豫旱饑君約同志爲書畫社以潤筆助振作詩記

事亦藝林佳話也書法顏平原畫梅具有風骨箸有笏

### 東艸堂詩集

尹子銘

鑿惠

小莘先生

祖洛

子也居會星橋幼有才

氣小莘先生授以戰國策爲文頗雄肆顧困於場屋捐

職光祿寺署正肄業龍門書院應敏齋廉訪

寶時

分巡

上海時最器重聘脩上海縣志子鹿笙

熙棟

諸生後起

之秀也

楊古醞

葆光

諸生居東門外退谷先生

汝諧

元孫詩文

援筆立就兼擅書畫幕游江浙閒所交皆知名士以小

官謁選

京師黃子壽方伯

彭年

奇其才薦於合肥相

國分脩畿輔通志今爲黃巖縣丞

沈躍齋

祥龍

優貢生居妙嚴寺後龍門書院高才生也



詩文敏捷常與祝平太史唱和亦善飲能隸書與脩松

江府續志

雷諤卿

稊祥

研農族姪也諸生少孤出贅於外妻一

子寄外家孑然一身子馨招之居復園鯁直不諧於時

屏棄帖括為聲韻之學亦工詩子馨歿落落寡合以貧

困卒

蔣于石

確

諸生居景家堰清雅絕俗以詩書畫自娛書

效李北海畫梅石尤勝筆情高淡如其為人橐筆游上

海忽染痘症卒四十二

閔頤生

萃祥

子馨友也生而左右手各詘一指因又號

曰八指生居艾家橋予至復園子馨必招與俱來其後

遷居復園亦頤生贊之為人閒靜端謹好讀書為衡堂

太史所賞識詩古文皆可造亦能書畫與脩華亭縣志

松江府續志予扶病之南菁書院頤生與偕院祀鄭高

密朱新安栗主將行釋奠禮黃漱蘭侍郎命之作祝文

樸茂淵懿侍郎亟偁之

文載于南菁書院崇祀鄭朱二公記

陳福卿

又號益卿

先生

以謙

青浦人亦姚氏壻也恩貢生與

古然堅香兩先生尤暱工駢體為吳穀人祭酒所賞詩

亦瑰瓌有安蔬艸堂駢體文益齋集


何書田先生

其偉

增貢生居重固其先自奉賢遷青浦

世以儒醫名先生為同邑王蘭泉侍郎弟子與姚春木

建木兩先生善詩效陸放翁著有斡山艸堂集子鴻舫



長治監生咸豐庚申以集團保衛鄉里功保舉五品銜

藍翎煒如昌煥咸豐壬子舉人石根昌霖諸生保舉訓

導皆與予善鴻舫豪於詩酒興酣高論有不可一世之

概書學顏平原特蒼勁乙亥秋予寓復園病溼諸醫束手

鴻舫來視一劑而愈

袁徵甫徽奉賢人寓居嘉善咸豐壬子舉人援例戶部

主事豪於飲詩文倚馬可就在京師以松江會館湫

隘為擴其制未幾卒

陳尙志淵泰道光壬辰舉人居北斡山篤學敦行尤邃

於三禮主講珠谿書院著有吉祥止止齋詩稿

何古心其超書田先生從弟恩貢生居北斡山世醫兼

以詩名風骨凝鍊似大庾十子應張溫公之聘客河南主講明道書院徧游嵩山諸勝歸避寇滬上又遷澱西亂平還斡山築棗花書屋以終老著有藏翁詩艸六卷

莊俠君世驥青浦人居盤槐里咸豐己未舉人少以詩

名與同邑熊蘇林等結社唱和繼又篤志經學袁漱六

太守芳瑛延之幕校理古籍一字之疑必求確證太守

盛稱之箸有坐花艸堂詩集急就章異同攷

陸雪亭日愛居金澤吳江籍候補浙江同知從姚春木

畢子筠游為人質直見義勇為咸豐季年奉檄募捐餉

勇保守鄉里賊至失利憤甚同治三年病卒箸有夢逋

艸堂詩文集十二卷

王叔彝觀察 慶勳 上海人諸生援例為知縣需次浙江

擢知府加道銜兩署嚴州府事意氣豪邁酷嗜詩求才

若渴嘗集刊朋輩詩曰同人詩錄曰應求集曰可作集

其自箸曰詒安堂稿弟季平 慶均 廩生工書法秉性和

平寇亂時嘗攝崇明訓導予為序贈之

黃鶴樓 金臺 平湖人歲貢生為人坦率喜交游工駢體

文兼擅詩詞與嘯峰唱和最多著有木雞書屋文集行

於世

青浦熊蘇林 其光 純叔 其英 兄弟砥志礪行期有用於

世乃一則積勞於團練一則盡瘁於振荒皆以壯年摧

折齋志九原予為二熊君兄弟合傳未嘗不黯然以傷

曩予寓郡西郭蘇林每過訪議論溼涌流連忘日夜時

純叔尚幼未及見逮予客金陵純叔以秋試過予治城

山館英銳如其兄此後未再面也其所箸恥不逮齋等

稟雖未刊行度必有為之整理者特蘇林襍箸遺稟遭

亂散失并無以傳於世尤可傷已然其長君鞠菴 祖詒

今方以庶吉士改官知縣措施未可量則君兄弟之志

庶其申乎

賈雲階 履上 上海人歲貢生工制舉文能詩善飲豪宕

自喜秋闈屢試屢絀苦戰不已及咸豐己未詰嗣綺雲

襄獲捷乃咤謂人曰吾顧不及小兒又治堪輿家言力

洗時俗之陋鄉邦文獻勤於紀述纂脩上海縣志特爲  
詳備予與君同歲又同入學今皆老矣回首壯游能無  
嗒然綺雲今爲甘肅知縣

繆少薇

徵甲

江陰人諸生咸豐壬辰秋試予卷墨污題

詩號舍君一見駭咤卽走筆屬和遂訂交焉爲人伉直  
樸誠詩學甚深亦雄於文顧困於場屋不得申其志其  
室劉孺人亦能詩賢而早卒繼丁內外艱境日以蹙仰  
事祖母俛育子女課徒不能給橐筆依人鬱鬱不自得  
遂促其年予交君十五年未嘗再面然書問往還歲時  
不絕歿後其弟子徐靜三蓉鏡輯其詩寄予予爲汰存  
其半與劉孺人所著夢蟾樓遺藁合刊之

畢子筠大令

華珍

鎮洋人秋帆尙書從孫由舉人官慈

谿知縣乞病歸僑居嘉興杜門著述邃於音律之學著  
有律呂元音予屬錢夢花少尹刊入小萬卷樓叢書

蔣劒人

敦復

寶山人豪俠尙氣好談時務詩文才思橫

發不屑斤斤尺度少游江淮無所遇遁而爲僧號曰妙  
塵嘗住持郡城脩微庵旣又返初服補諸生劉松巖中  
丞令上海時聘爲記室同治初重脩上海縣志應敏齋  
廉訪延君纂脩未幾卒有嘯古堂集廉訪爲之刊行

江弼叔

澁

長洲人諸生屢躋場屋幕游江浙聞咸豐初

僑居郡城時相過從後以小官需次浙江卒於嘉興詩  
學昌黎山谷當其得意喜笑怒罵皆成文章有伏敵堂



詩錄

胡竹邨農部

培翬

績谿人嘉慶己卯進士戶部主事受

經於凌次仲教授尤邃於禮道光己亥秋相遇於西湖

文瀾閣時方著禮儀正義以糾賈氏之訛縱論忘疲

予以其所著燕寢攷俾錢氏刊入指海嘗主講雲閒書

院後主涇川書院其研六室文彙近亦刊行

陳碩甫明經

吳

長洲人附貢生傳金壇段氏之學與竹

邨農部同寓借閒小築相見甚歡出示所著詩毛傳疏

融貫經傳引據賅洽毛氏遺義宣暢無餘蘊矣嘗訂西

谿觀蘆會雨不果予別君歸君曰吾寓西湖竹邨外無

過問者今竹邨歸矣方將與子邂逅復舍吾去誰堪與

言者行亦歸爾

黃小田儀部

富民

勤敏公幼子也當塗人居蕪湖道光

乙酉拔貢歷禮部儀制司郎中咸豐癸丑避亂至金山

一見如故觸目時事以詩唱和殆無虛日既而遷郡城

遷張堰遷召稼樓遷周浦時予亦以寇偏旋里君曰曾

不意相見於君鄉予曰誠然然未必為樂土無何奉南

失守遂先後至上海唱和如昔日同治癸亥予以曾文

正公招至皖君餞之曰今則子之入吾鄉顧安得從子

歸相與悵然而別同治丙寅予暫歸晤君步履猶健惟

酒量減耳明年聞患眩瞶亦既稍痊以書慰問而荅書

與訃俱至為之驚絕君詩本勤敏公家法在少陵香山



閒其遺集曰過庭小草曰誓墓餘橐曰避弋小草皆自  
為編定曰萍軒小草曰萍軒詞草曰律賦賸橐曰試帖  
賸橐則哲嗣子春太守安謹屬予為編次而總名之曰  
禮部遺集凡九卷子春以小官需次江蘇累擢直隸州  
知府銜亦能詩善畫

符南樵孝廉

葆森

江都人咸豐辛亥舉人避亂寓朱涇

東林寺攜一子一僕行李蕭然每相見坐談忘倦偶及

時事未嘗不慷慨咨嗟嘗選國朝詩正雅以繼沈文

愨別裁後主柘湖書院

劉融齋宮允

熙載

興化人道光甲辰進士累官中允學

行兼粹主講龍門書院以身率教遐邇欽矚箸四聲定

切以欵意身于四字攝一切音條分縷析獨出手眼又  
箸有說文雙聲疊韻持志塾言藝概昨非集皆已刊行  
書法亦蒼古

周叔米

文禾

嘉定人諸生績學好義光緒丁丑秋與寶

山陳同叔

如升

介鴻舫過訪復園議論風發出所箸南

宋百一樂府及駕雲螭室詩鈔凡若干卷皆卓卓可傳  
同叔監生家羅店亦績學士也恂恂儒雅工詩詞

同邑張鑫校刊



古貌古心經師人師無藉

而與江湖之涓涓如川流無



歸自江陰之明年甲申先生箸懷舊襍記未畢癡躄日  
益甚初冬驟寒手握筆顫不止散橐滿几案不復檢拾  
萃祥每趨侍爲稍稍整齊之一日先生顧而歎曰是橐

也余未能竟將就所有以付子

萃祥

謂天方寒迺高年

氣血衰手足不良亦常耳入春當漸舒展無過慮未幾  
先生病中愈明年正月復作遂不起乃與先生孫壻王  
君賡九謀刊未刊各橐得金山錢君仲穀昆季任劄劄  
遂絡續校刻自鼠壤餘蔬以下凡五種惟襍記散橐未  
敢倉卒編次遷延以待賡九數以書促而張君鳳山復  
督責之且以梓費任於是就存橐依先生原例銓次爲  
三卷先生初擬敘周浦諸人爲一卷敘南塘張堰秦陽





廊下爲二卷敘郡城爲三卷其四卷將以敘安慶江甯  
諸舊游而未及屬艸茲惟一、二卷較完備三卷則固未  
全之橐也烏乎自先生歿距今不十年萃祥奔走衣食  
學殖荒落此豈先生夙昔期望之心所及料蓋有負先  
生多矣今託諸君之力於先生手澤所遺次第刊行俾  
萃祥得藉手觀厥成是雖不足以塞先生之責而獨非  
萃祥私心所喜幸者與光緒十九年癸巳秋八月門人  
華亭閔萃祥謹識

福  
聯  
偶

記

癸巳九月

公和萬道



撰聯偶記

天目山樵

居處

且住為佳

自求多福

大門

好是懿德

求其放心

書舍

晚菘早韭有餘味

春鳥秋蟲非惡聲

書舍

居安思危省躬克己

實事求是尊聞行知

堂楹

近聖人之居羹牆如見

後天下而樂朝野皆知

治城飛雲

閣

出谷遷喬允承堂構

居仁由義長宜子孫

友人新室

睡起笑捫王猛蟲

狂來驚走葉公龍

草堂



開卷有益 用志不分

書廚

負耒橫經從吾所好 吟風弄月與天為徒

抱齋居

三杯對飲老兄弟 一刺不通新達官

客次

鶯喜新陰初出谷 鶴盤遠勢漸翀霄

賀移居

維摩丈室來天女 白傳吟情寄小蠻

內室

詒贈

敬業樂羣發不中者求諸己 因文見道無所住而生

其心 敬業山長 楊西華

閒靜讀書端詳處事 和平養福寬厚待人

夏史青

仲景微言平脈辨證 丹溪家法救敝扶偏

代贈醫者 朱德甫

痛癢關心不殊人我 化工在手即是神仙

瘍科

祠廟

立德立功立言史篇具在 有猷有為有守眾論無慚

曾文正公祠

一著不留情幸免雄猜王亦偶 通盤重定局功操勝

算祀應同 勝棊樓下有 曾文正像

道勝外無營一片忠誠懸日月 神完中有恃十年談

笑卻熊羆 曾文正像

種果在前生願我民無災無害 拈花參妙相惟爾神

能發能收 痘神祠 此聯上五字係吳肇甫閣讀原擬 下七字曾文正所改相字原作諦似太泛故

之易

卽色卽空現美人身而說法 大悲大願指恆河沙以

爲期觀音殿

酒地花天幻境夢回人影少 刀山劍樹孽風吹到鬼

魂多十王殿

作福作威儼然民望而畏 隨盈隨闕此其天道可知

元壇殿

一笑開門誰能立腳 幾時成佛便請同龕彌勒殿

喚箇中人者般快活 喚門外漢適從何來彌勒殿

古來幾箇忠孝人莫把此心看淡 趙家一片乾淨土

何容彼鬼潛留岳墓

夥頤爲王榮到寒梅瘦鶴 當頭有月皎然流水空山

孤山靖安明王祠宋林和靖以爲財神其配曰梅隱夫人鶴子與侍焉

霧鬢風鬟小劫幾經修月斧 詩天酒地芳辰徧插護

花旛金沙港花神祠花神像古名工所作後經重塑劫不分明之句今又屢修矣官紳宴會多在此

不逢哥利王何至漆身爲厲 若遇秦丞相也驚垢面

風癡淨慈寺濟顛肉身以漆髹之垢面風癡語見精忠記傳奇掃秦劇

開淨度法門回頭便證三摩地 登極樂世界撒手先

從七筆鈎蓮池大師祠墓

圓陀陀面孔絕無一言 直挺挺金身只有半樞大佛頭

見色見空鬼戲祇爭三十日 眼開眼閉世閒被騙幾

千年地藏殿

功勝萊公不使燕雲歸敵境 冤同鄂國尙虛徐石跪

三

墳前子忠肅祠

秋菊寒泉千古水仙配會 夢幻泡影刹那龍女參禪

水仙祠 一雛 尼敏慧絕倫

身後是非盲女村翁多亂說 眼前熱鬧解元才子幾

文錢唐六如祠

素問靈樞不讀通皆為廢簡 牛溲馬勃苟對證即是

神方藥王廟

祝壽

德盛禮恭耆英冠坐 月圓春正家慶齊年姚衡堂太史八十

心游太初腳踏實地 穀詒孫子術通神明賈雲階封君七十

四德膺封八鸞鳴盛 六旬開慶三鳳憑霄代祝汪母

雲煙過眼靈光歸然 松柏長年眉壽無已游芝田七十

八索九邱楚史倚相 一堂二內漢儒伏生汪梅岑七十

驚天詩句錢神退 橫海功名酒債多并眉老人六十

讀書談詩優游耄耋 安貧樂善瀟灑家庭代壽程逸萃七十

公則能平人我無閒 仁者必壽耄耋長春友人七十

婚嫁

堂構克承積善餘慶 琴瑟既協和氣致祥張鳳山子子根

安親揚名施於孫子 謹身節用宐爾室家張燮庵長孫

柯如青銅根如石 雲想衣裳花想容老翁納少妾

弔輓

九十年忠厚傳家關心喬木蒼煙過客尙稱通德里

五百載神仙小劫回首清風明月曾孫同拜武夷君朱老

年九十餘

天道果非邪宜安而危宜福而禍宜壽而夭 人情焉

置此其事適丁其機適值其病適成錢廉溪

世界都在煙雨中休論四百八十寺 極樂不離詩酒

裏可能三萬六千場江甯老僧百歲

踏破鞋兒管則甚閒花野艸 倒卻竿子聽憑他明月

清風禪僧

十年心力久忘

十年心力久忘身無愧千秋信史 三省軍民齊下淚

豈徒八百孤寒曾文正公

兼四德備五福二千里咳華孝養其生也榮 毓三鳳

撫雙珠九十齡談笑全歸得天獨厚龐太夫人

注經二十篇校管廿四卷銳集遺文卓有成書傳絕學

離家一千里住世卅七年隱符噩夢眇無靈藥起沈

疴戴子高

漢宋本無爭笑眾口傳聞實誤 瑕瑜不相掩到此時

毀譽皆空又代作

赤舌燒城再入輪迴須慎口 青雲沒地博通載籍豈

虛生又

父循吏子賢能先後媿美章江獨堪傷缺月難圓化鶴

何時歸毅魄 昔熊丸今鳳誥兄弟承歡白下卻不意

慈雲遽散駉鸞未得享期頤莊母

弱冠紹秀枝十載空巢悲旅燕 病魔淹瘵骨中年後

事倚原鶴錢偉甫

芝艸無根直與松筠同藻範 蓮花證位依然箕帚侍

蓉城錢雪枝側室倪氏

黃髮尚依人日暮途窮拭目桑榆聊慰意 白眉偏失

望天愁海怨招魂羸博久傷心姚杏士

松柏慶長春最難梁案齊眉猶親中饋 葛蘿叨末誼

方羨萊衣舞綵忽散慈雲姚恭人

弱冠即相知會少離多葭倚平生殊靜躁 養閒惟自

適舍輝守素瓜絲遺澤淡榮名姚致堂

其年亞轅固服生講議洽聞無媿西京博士 所學在

文章性道知行合一允推儒林丈人府學聞老師少谷

一木苦支持必欲使漏屋重推天何此酷 三年勤纂

輯初不意前徽莫續命竟難回錢子馨

七秩靳稱觴此日陳牲猶泣血 一官遲列鼎他年捧

檄倍傷心楊古醜母夫人

相夫助子勤不告勞 多福延年終以譽命錢母

齋奠肅瞻園元相詩篇傷內助 淵源存子舍周官音

義續家傳孫方伯夫人仲容方疏周禮子

卅年妯娌同心撫子克家不特哲夫能仗義 七秩兒

孫繞膝承歡獻壽何期天道竟難徵張鳳山叔母

作守十年無慚循吏 懷仁百世不泯清風楊卓庵太史

羣紀論交記觴泛東籬曾拜德公牀下 喬佺等壽待

鶴歸華表重來丁令人閒代輓

靈爽近松楸曰友曰恭克繩祖父 和衷營兆域既安

既固以利嗣人偉甫子 馨同葬

原隰哀矣兄弟求矣 子孫保之福祿宜之又代

毓德高門既有令名兼壽考 蟠根福地從來富貴即

神仙代輓李伯相太夫人

一病何因屬續彌留公瑾醅醪猶惠我 六旬中壽詒

謀周至小同家學定承君于充甫

移孝作忠閱歷艱危頻叱馭 先勞無倦淹留醫藥尙

從公願穎樵太守

服杜功淡兩世遺書勤繼述 紀羣交久十年同學感

存劉恭甫

世事鏡中花藻譽文章虛空色相 科名身外物白頭

黃口遺恨泉臺王仲平

蘋閣誦清芬喜寶樹三株連枝競秀 芹宮騰俊譽悵

秋風一葉片影先凋張籓生

人言叔寶神清法闡師門編繩祖武 我歎仲文儒雅

峰青江上雲黯秦陽錢慎之三簡法重刻蠡測編

念二年老屋重新子順孫賢有基弗棄 小萬卷叢書

傳世光前裕後無忝所生錢夢花

生入玉門尙恨奇功輸定遠 修成金粟祇應勝果證



如來

劉開生都轉

訂交五十六年傾蓋班荆皓首蒼顏嗟向老 相別百

廿餘日安歌撤瑟素車白馬恨來遲

張嘯峰

福壽康甯陸地神仙愁失偶 慈和節儉朝天司命醉

稱賢

夏母周孺人

同邑張鑫校刊

撰聯偶記終





中国国家图书馆  
NATIONAL LIBRARY OF CHINA